

天請問經

唐三藏沙門玄奘奉詔譯

如是我聞一時薄伽梵在室羅筏國住誓多
林給孤獨園時有一天顏容殊妙過於夜分
來詣佛所頂禮佛足却坐一面是天威光甚
大赫弈周遍照曜誓多園林爾時彼天以妙
伽他而請佛曰

云何利刀劒 云何砮毒藥 云何熾盛火

云何極重暗

爾時世尊亦以伽他告彼天曰

龜言利刀劒 貪欲砮毒藥 瞋恚熾盛火

無明極重暗

天復請曰

何人名得利 何人名失利 何者堅甲冑

何者利刀仗

世尊告曰

施者名得利 受者名失利 忍爲堅甲冑

慧爲利刀仗

天復請曰

云何爲盜賊 云何智者財 誰於天世間

說名能劫盜

世尊告曰

邪思爲盜賊 尸羅智者財 於諸天世間

犯戒能劫盜

天復請曰

誰爲最安樂 誰爲大富貴 誰爲恒端嚴

誰爲常醜陋

世尊告曰

少欲最安樂 知足大富貴 持戒恒端嚴

破戒常醜陋

天復請曰

誰爲善眷屬

誰爲惡心怨

云何極重苦

云何第一樂

世尊告曰

福爲善眷屬

罪爲惡心怨

地獄極重苦

無生第一樂

天復請曰

何者受非宜

何者宜非愛

何者極熱病

誰是大良醫

世尊告曰

諸欲愛非宜

解脫宜非愛

貪爲極熱病

佛是大良醫

天復請曰

誰能覆世間

世間誰所魅

誰令捨親友

誰復障生天

當七

世尊告曰

無智覆世間

世間癡所魅

慳貪捨親友

染著障生天

天復請曰

何物火不燒

風亦不能碎

非水所能爛

能扶持世間

誰能與王賊

勇猛相抗敵

不爲人非人

之所來侵奪

世尊告曰

福非火所燒

風亦不能碎

福非水所爛

能扶持世間

福能與王賊

勇猛相抗敵

不爲人非人

之所來侵奪

天復請曰

我今猶有疑

請佛爲除斷

令世往後世

誰極自欺誑

世尊告曰

若有多珍財 而不能修福 今世往後世
彼極自欺誑

爾時彼天聞佛世尊說是經已歡喜踊躍歎
未曾有頂禮佛足即於佛前欬然不現
天請問經

書

五